



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola IV. Caelestini Papae III. Ad Episcopos Angliae. De peccatis
expiandis & moribus emendandis.

urn:nbn:de:hbz:466:1-15974

EPISTOLA IV.

CÆLESTINI PAPÆ III.

AD EPISCOPOS ANGLIÆ.

De peccatis expiandis & moribus emendandis.

*Cælestinus episcopus seruus seruorum Dei venerabilibus fratribus
archiepiscopis & episcopis per Angliam constitutis
salutem & apostolicam benedictionem.*

CVM ad propulsandam iniuriam populi Christiani, & communis notam fidei abolendam, quam ei Pagano-
rum spurcitia in captione sanctæ terræ, quæ Domini est hereditas nuncupata, perniciose ac violenter impref-
fit, & ad emendandam etiam ciuitatem sanctam, & se-
pulcrum dominicum ab Saracenorum & aliorum in-
super occupantium immunditiis, ac auferendam illam per auxilium supernæ clementiæ a potestate illorum, se-
des apostolica suum debitum recognoscens, per diuersas mundi partes nuntios saepe a suo latere, ac commonitorias literas destinauerit, & in diuina confisa clementia ma-
gnas illuc tendentibus impenderit indulgentias : licet, vt fraternitas vestra potest perpendere, ad hæc agenda per exhortationes illius viriliter ac deuote plurimi se accin-
ixerint, & tot in transmarinis partibus Christi fideles propter hæc saepe fuerint congregati, vt multitudo eorum oppugnantium numerum non modicum videretur exce-
dere, & * auxiliis ac viribus etiam præualere : non mul-
tum tamen proficere potuit, vel his qui ex aduerso con-
tendebant obesse, pro eo, sicut ex effectu datur intelligi,
quod nisus & actiones eorum qui fuerant ad partes illas profecti Domino pro parte magna dispicebant. Vnde merito aliorum peccaminum, quia non in Deo sed viri-
bus propriis confidebant, & non erat ante ipsorum oculos timor Dei, ex præconcepta superbia cor eorum per-
missum est obscurari, vt alia insuper agerent quæ minime conuenirent, diuinum contra se suis peruerositatibus iudi-
cium prouocantes. Verum quia multæ sunt misericordiæ Domini, qui etsi ad malorum peruicaciam retundendam, & subdenda ceruicosorum hominum colla, disciplinæ manus quandoque suas medicinaliter agrauat ; & vt ele-

* animalis

uet opprimit & percutit, aut flagellat ut sanet: si ad eum cum debita fuerimus humilitate reuersi, & de peccatis castigati, ac de obſeruandis Creatoris de cetero studio frequentiore mandatis firmum propositū affumpserimus, absque vlla poterimus hæſitatione sperare, quod affluentius gratiusque nobis affliſtet, & de inimicis nominis Christi plenam indulget de cælo victoram, ita quod vniuersa quæ incurrimus hucusque grauamina obliuioni tradantur; omnibus conuersis retrorsum, & merita confusione ruentibus, qui oderunt Sion, & gentilibus præsumperunt contaminationibus maculare.

Attendentibus autem, ac studio diligentī scrutantibus, quales minas populo Iſraeli, cum ex promissione memoratam ſupra terram intraret, diuina potestas tulerit, non erit dubitationis ſcrupulus, qui huiusmodi inquisitioni opponat, quare noſtrum pro Deo incepturn conamen ſperatos non fit consecutum effectus. Dictum est enim illis, vt ab habitatorum illius terræ contagii & ſpurcitiis abstinerent, & illorum vitia imitatione digna non ducerent, quæ iſpis poſſint accidere in ruinam; fed legem Domini firmo proposito & omni animi & intentionis niſi ſeruarent. Quibus itaque monitis ſi deuote ac humiliter obedirent, vnuſ eorum mille vinceret, ac decem ex illis decem millia. Quæ certiori postmodum experimento nouerunt, cum pauci de iſpis magnam ex illis & infinitam quæ multitudinem trucidarent: & dum deuote diuinis intenderent mandatis, non fuit ciuitas vel munitio quæ iſorum poſſet euitare congressus, vel iſorum subtrahi conamine aliquo vel confilio potestati. Quia tamen, cum eorum filii, qui Dominum, vt ibi dicitur, non nouerunt, ab illorum quæ fuerant ſibi legali promulgatione iniuncta temere coepiffent obſeruatione deficere, inimici eorum aduersus eos cuneos obſtruenteſ, ſuę illos potentiaſ ſæpius ſubiugauerunt, quos denuo per diuinum ſibi auxilium ſubegerunt, cum de commiſſis excessibus pœnitentes, ac reatu ſuum recognoſcentes, humiliiter pia ſunt ad Deum deuotione conuersi. Satis autem indubitanter potestis agnoſcere, quod cum ex ſubortis diſcordiis prouentus ſperatae victoriae Christianæ militia auferretur, cauſa erat ſimultatum & odiorum * frequentia in

Iud. 2.

G iii

* frequē-
tius

exercitu pullulantium, quia carnem posuerant brachium suum, & a Domino recesserant corda eorum.

Si ergo volumus sine magno labore in aduersariorum perniciem gloriosum per omnia obtainere triumphum, propter hucusque perpetua grauamina non deficiamus animo, sed requirentes cum humilitate ac cordis contritione misericordiam Creatoris, in confusionem eorum perpetuam insuperabilem poterimus victoriam ex consueta superna dignationis merito benignitate sperare. Hac itaque consideratione inducti, vniuersis orbis principibus in remissionem iniunximus peccatorum, ut diuini amoris & propriæ salutis intuitu, si quis aduersus aliquem concepit qualibet occasione rancorem, & si despicerit homini, Creatori dimittat, ne ulterius dissentendi adiuvicem occasio præbeatur, quæ haec tenus & victoria nobis (ut noltis) prouentus abstulit, & maximæ multitudinis parti absque ullo commodo periculum mortis induxit: & toto animi studio id inter se consilii reperire procurent, quo & interim valeat illud tantillum terræ Domini portionis, quæ adhuc sub Christianorum potestate tenetur, ne a peruersorum manibus occupetur, inconcussæ seruari, & contra impiorum impetus fine aliquo pauore defendi, & accingatur denuo multitudo fidelium, quæ illuc sub debita & deuota humilitate itura totam possit terram & sepulcrum dominicum, deuicto & conculcato penitus occupantium furore, liberare.

Ad hæc etiam, quia ex hoc nobis & vniuerso populo Christiano nimium exuperat causa fletus, & tristari debemus omnibus modis, non lætari, dum videlicet terra, vbi steterunt pedes Domini, & salutis nostræ sunt sacramenta patrata, Gentilium occupationibus detinetur, torneamenta, quæ causa lætitiae inuenta fuerunt & tironum exercenda virtutis, penitus inhibemus, vt qui se voluerit exercere, ad terram illam accedat, vbi & corporis & animæ virtus viriliter poterit ac salubriter demonstrari: taliter etiam unitati & pacis concordia adiuvicem procurant intendere, vt nullus sit qui aduersus alium guerram intendat, vel armis iniuriam audeat propulsare; sed communiter potius studeant, quæ dissidentium animos studio ac labore diligenti reformat.

Si quis vero (quod non credimus) Dei timore postposito, & reuerentia nostra & fidei Christianæ contempra, contra hoc agere aliqua temeritate præsumperit, nouerit nos vobis & aliis archiepiscopis & episcopis districtius iniunxisse, ut eorum terras, qui contumaciter incepto huiusmodi duxerint insistendum, interdicto ecclesiastico supponatis, & personas etiam, si opus fuerit, excommunicationis vinculo astringatis, & faciatis utramque sententiam inuolabiliter obseruari. Vobis ergo per apostolica scripta districte præcipiendo mandamus, quatenus ad ea quæ prædiximus celeriter adimplenda, omni tarditate & contradictione postpositis, vos accingatis, & studeatis per vestras dioceces, dilatione & appellatione cessante, id executioni mandare. Datum Romæ apud sanctum Petrum tertio Idus Ianuarii, pontificatus nostri anno † secundo.

† nondum
absoluto.

EPISTOLA V.

CÆLESTINI PAPÆ III.

AD EPISCOPVM LINCOLNIENSEM.

Iubet inquisitionem fieri de excessibus Eboracensis
archiepiscopi.

Cælestinus episcopus seruus seruorum Dei venerabili fratri Lincolniensi episcopo, & dilectis filiis archidiaconis de Northampton, & priori de Ponte sancto salutem.

MEDIATOR Dei & hominum Dominus Iesus Christus, cuius prouidentia in sui dispositione non fallitur, totius ecclesiæ disciplinæ caput & magisterium sacro-sanctæ Romanae ecclesiæ voluit reseruari, & omnes alias ipsius ordinationi & correctioni subesse: ita quod concessa ei specialiter plenitudine potestatis, eius etiam * sit ceterorum excessus corrigere, & quod laudabiliter agitur auctoritate apostolici culminis approbare. Vnde nos, quia ad eius regimen diuina sumus dispositione assumpti, ea volumus fratres & coepiscopos nostros cautela & discrezione diligere, ne videamus affectum & familiaritatem eorum vocationis nostræ officio anteferre; præsertim cum habeat suos fines dilectionis, qua quisque tenetur ad hominem, non ad hominis errorem diligendum, sane ad au-

* al. pro-
ptium